

2 Pedro

He⁻ la⁻ jee' ga⁻të' to¹ je⁻ he⁻ ga⁻sih' Pee'

Ga⁻sih' Pee' kih' dsa⁻gooy'

1 ¹ Jnä' Simón Pee' jmeen⁻ ta' kih' Jesucristo laan¹ apóstol kyaay¹,
siin⁻ kyah¹ hnäh' hi⁻ ma⁻dsoo' dsë¹ kō⁻jøh' kyaah' jnä'. Peer⁻
jnaah¹ la¹ jnän⁻ he⁻ ma⁻dsoo' dsë⁻ jne' ta⁻la⁺ kih' he⁻ lluu¹ Jesucristo hi⁻
lää⁻ jne'. Hi⁻ he' he' Dio jnän⁻. ² Ta⁻la⁺ kih' he⁻ kyuu^h hnäh' Dio hi⁻
kyuu^h hnäh' Jesucristo Dsa⁻jøøh¹ jnän⁻, wa' mi⁻jää¹ Dio hnäh' cha⁻miih⁻
hi⁻ wa' jmeey' hii' tii' kyah¹ hnäh'.

Ha⁻ lä⁺ jmee' jne' hi⁻ ma⁻dsoo' dsë⁻ kih' Dio

³ Kyaah' be' kih' Dio ba' cha⁻ lä⁻jë⁻ he⁻ jmee⁻ chaa⁻ jne' mah¹ jmee'
jne' lä⁻ hnøøy¹ hñiiy'. Ga⁻hñah¹ jne' he⁻ la⁻, kyaah' he⁻ ma⁻kyuu⁺ jnih'.
Hi⁻ he' ga⁻tëh¹ jne' ta⁻la⁺ kih' he⁻ laay¹ jøøh¹ hi⁻ liyh⁺ jmeey' he⁻
juh⁻gaa⁻. ⁴ Hi⁻ lä⁻ja⁻ ga⁻hñah¹ jne' he⁻ juh⁻gaa⁻ he⁻ ga⁻jäh' jmeey' jnän⁻.
Peer⁻ jnaah¹ la¹ jnän⁻ he⁻ ma⁻kyuu^h jne' juu¹ kiyh'. Jëeh' ta⁻la⁺ kih' juu'
na⁻ ma⁻tøøh¹ jne' jee' lee⁺ jne' lä⁻koo⁻ laa¹ hñii' Dio hi⁻ lääy⁻ jne' kih' he⁻
hliih¹ he⁻ cha⁻ jmi⁻gyuu⁺ la⁻ he⁻ ngii⁺ jmi⁻ngo¹ jnän⁻.

⁵ He⁻ja⁻ lä⁻llu¹ he⁻ ma⁻dsoo' hoh' hnäh', kwa' hnäh' be' jmee' hnäh'
lä⁻koo⁻ lle⁻ kih' ba'. Hi⁻ ja⁺ ma⁻la⁺ he⁻ jmeeh⁻ hnäh' lä⁻lle⁻ kih', hnøø¹
lä⁻kyuu^h hnäh' cha⁻ga⁻miih⁻. ⁶ Hi⁻ ja⁺ ma⁻la⁺ he⁻ kyuu^h hnäh', hnøø¹
hääh¹ hnäh' hñaa¹. Hi⁻ ja⁺ ma⁻la⁺ he⁻ hääh¹ hnäh' hñaa¹, hnøø¹ jøh⁻
hoh' hnäh'. Hi⁻ ja⁺ ma⁻la⁺ he⁻ jøh⁻ hoh' hnäh', hnøø¹ hnaah¹ hnäh' Dio.
⁷ Hi⁻ ja⁺ ma⁻la⁺ he⁻ hnaah¹ hnäh' Dio, hnøø¹ jmeeh¹ hnäh' he⁻ llu¹ kih'
dsa⁻kyaah' hnäh'. Hi⁻ ja⁺ ma⁻la⁺ he⁻ ja⁻, hnøø¹ hnaah⁺ dsa⁻kyaah' ba'.

⁸ Cher⁻mah¹ jmeeh⁻ hnäh' lä⁻jë⁻ he⁻ ja⁻, hi⁻ ngoo¹ ba' jmeeh⁻ hnäh'
cha⁻ga⁻miih⁻ lä⁻ja⁻, ma⁻ja⁻ ba' lä⁻jnä' ta' kyah¹ hnäh'. Hi⁻ ja⁺ koo⁻ jwah'
hnäh': "Kyuu⁺ ba' jnääh¹ Jesucristo Dsa⁻jøøh¹ jnän⁻." ⁹ Pero hi⁻ sa⁺ jmee'
lä⁻ja⁻, sa⁺ jnä' kiyh¹, laay¹ lä⁻koo⁻ jaa⁻ hi⁻ tuu'. Ma⁻gaa' dsëy¹ ha⁻ lä⁺
ga⁻che⁻ lä⁻jë⁻ he⁻ hliih¹ he⁻ ga⁻jmeey' jää¹.

¹⁰ Lä⁻ja⁻ øøhn¹, mi⁻jnää¹ hnäh' he⁻ na⁻lleeh¹ hnäh' hi⁻ mi⁻jnää¹ hnäh'
he⁻ laah¹ hnäh' hi⁻ ga⁻tëh¹ Dio. Cher⁻mah¹ jmeeh⁻ hnäh' lä⁻jë⁻ he⁻ ja⁻,
sa⁺ täh⁺ hnäh' jih⁻koh', ¹¹ hi⁻ ni⁺ koo⁻ sa⁺ cha⁻ he⁻ ha¹ kyah¹ hnäh', na⁻na⁻
ba' jwë¹ kyah¹ hnäh' go⁻taah¹ hnäh' tää' ya⁻jwii¹ kih' Jesucristo,
Dsa⁻jøøh¹ jnän⁻ hi⁻ lää⁻ jne'.

¹² He⁻ja⁻ ngoo¹ ba' jnä' mi⁻dsoohn⁻ hoh' hnäh' kih' juu¹ la⁻ ma⁻ke⁻
ma⁻kyuu^h hnäh' hi⁻ tääh¹ hnäh' koo⁻ hweh⁻ kyaah¹ ju⁻dsoo' la⁻. ¹³ Pero
llu¹ ga⁻ laan⁻ he⁻ kwan⁻ nuuh⁻ la⁻ kyah¹ hnäh' ta⁻kō⁻jiih¹ chaan⁻. ¹⁴ Jëeh',
ma⁺ ba' jnä', chah¹ ba' ya⁻hëen¹ jmi⁻gyuu⁺ la⁻, lä⁻ja⁻ ga⁻mi⁻jnää⁻

Jesucristo kin¹⁵. He⁻ja⁻ kwan⁻ be⁻ lä⁻jiih¹ jee⁻ le⁻, hlëehn⁻ hnäh⁻ juu¹ la⁻ mah¹ lä⁻dsooh⁻ hoh⁻ hnäh⁻ ga⁻ ma⁻juun⁻.

Ga⁻jëe⁻ Pee⁻ ha⁻ koh⁻ sa⁻ juuh⁻ be⁻ he⁻ ga⁻mi⁻jnää⁻ Cristo

¹⁶ Lä⁻ ma⁻ ga⁻kwa⁻ jnääh¹ juu¹ kyah¹ hnäh⁻ sa⁻ ga⁻hlëehn⁻ juu¹ ta⁻jmah¹ he⁻ gwa⁻ kyaah⁻ may⁻. Ga⁻jmee⁻ jnääh¹ dsoo⁻ ha⁻ lä⁻ lä⁻jnä⁻ be⁻ kih¹ Jesucristo Dsa⁻jøøh¹ jnän⁻ wa⁻ra⁻ ga⁻të⁻ jee⁻ jäyh⁻. Jëeh⁻ kyaah⁻ mi⁻në⁻ jnääh¹ ga⁻jëe⁻ jnääh¹ koo⁻ hä⁻, ha⁻ lä⁻ tø⁻jlëe⁻ ga⁻jmäay¹ hñiiy⁻. ¹⁷ Ga⁻jëe⁻ jnääh¹ ga⁻jmää¹ Dio jøøyh¹ hi⁻ ga⁻jmeey⁻ juuh⁻ kiyh¹. Jee⁻ ja⁻ ga⁻nuu⁻ jnääh¹ ha⁻ lä⁻ na⁻hñaah¹ ga⁻hlëeh⁻ Dio kiyh¹, ga⁻jäyh⁻: “Hi⁻ la⁻ na⁻ gyuu⁻ kyaan⁻ hi⁻ hnaan⁻, peer⁻ chaan⁻ llu¹ kyaayh⁻.” ¹⁸ He⁻ ba⁻ jnääh¹ ga⁻nuu⁻ jnääh¹ he⁻ ga⁻hlëeh⁻ gyuu⁻ ba⁻ ja⁻, lä⁻ ma⁻ tøøh⁻ jnääh¹ kō⁻jøh⁻ kyaah⁻ Jesús gyuu⁻ moh⁻ he⁻ na⁻jngii¹ ja⁻.

¹⁹ He⁻ja⁻ cha⁻ga⁻miih⁻ heeh⁻ jnääh¹ juu¹ kih¹ hi⁻ ma⁻ ngëe⁻ juu¹ kih¹ Dio llo⁻joo¹. Hi⁻ cher⁻mah¹ jmeeh⁻ hnäh⁻ he⁻ kih¹ juu¹ ja⁻, jmeeh⁻ ba⁻ hnäh⁻ llu¹. Juu¹ ja⁻ la⁻ lä⁻koo⁻ wa⁻je⁻ he⁻ kwa⁻ jmëe⁻ jee⁻ na⁻hoo⁻, he⁻ na⁻hih⁻ lä⁻jiih¹ jnä⁻, lä⁻jiih¹ hña⁻ nuu⁻ høø⁻ chooy¹ wa⁻je⁻ lä⁻ ga⁻të⁻ neh⁻ tuh⁻hoh⁻ hnäh⁻. ²⁰ Kih¹ jee⁻ lä⁻jë⁻ he⁻ jwahn⁻ la⁻ hnoon¹ täh⁻ hoh⁻ hnäh⁻ kih¹ he⁻ la⁻. Ni⁻ jaa⁻ sa⁻ lä⁻këh⁻ jmi⁻ kih¹ hñii⁻ he⁻ jiiy¹ juu¹ he⁻ ga⁻si⁻ lä⁻jëe⁻ hi⁻ ma⁻ ngëe⁻ juu¹ kih¹ Dio. ²¹ Jëeh⁻ ni⁻ jaa⁻ hi⁻ ma⁻ ngëe⁻ juu¹ kih¹ Dio, sa⁻ ga⁻hlëeh⁻ lä⁻koo⁻ la⁻ hu⁻dsë⁻ kih¹ hñiiy⁻. Ga⁻hlëeyh⁻ lä⁻koo⁻ la⁻ hu⁻dsë⁻ kih¹ Dio ba⁻, ta⁻la⁻ kih¹ Jmi⁻lle⁻ Na⁻jngii¹ hi⁻ ma⁻ jøø⁻ kiyh¹.

Dsa⁻ hi⁻ kwa⁻ juu¹ ta⁻juu¹

(Judas 4-13)

2 ¹ Ma⁻ cha⁻ ba⁻ dsa⁻ llo⁻joo¹ hi⁻ ma⁻ jäh⁻ ngëey⁻ juu¹ kih¹ Dio jee⁻ kih¹ dsa⁻ ma⁻gyuh⁻ jnän⁻ pero juu¹ kih¹ dsa⁻ he⁻ ma⁻ la⁻ juu¹ ta⁻juu¹ ba⁻. Hi⁻ ja⁻ ba⁻ lä⁻ja⁻ hwëe⁻ ta⁻jwoh¹ hi⁻ kwa⁻ juu¹ ta⁻juu¹ jee⁻ kyah¹ hnäh⁻ na⁻. Jwë⁻ na⁻hmää⁻ ba⁻ mi⁻gaay⁻ hnäh⁻, hi⁻ heey⁻ hnäh⁻ kyaah⁻ he⁻ mi⁻siiy¹ juu¹ kih¹ Dio, lä⁻jiih¹ jmäay¹ ta⁻ koo⁻ Dsa⁻jøøh¹ jnän⁻ hi⁻ ga⁻läay¹. He⁻ jmeey⁻ lä⁻ja⁻, ngiiy¹ jä⁻ na⁻ ba⁻ koh⁻ dso⁻jwi⁻ në⁻ kiyh¹. ² Jwëe⁻ dsa⁻ jmee⁻ kō⁻jøh⁻ kyaayh⁻ kyaah⁻ jwë⁻ hliih¹ kiyh¹. Hi⁻ kwaat⁻ kih¹ dsa⁻ he⁻, mi⁻kwa⁻ dsa⁻ kih¹ ju⁻dsoo⁻. ³ Kih¹ he⁻ hee⁻ dsëy¹ kuu⁻, saayh⁻ hnäh⁻ kyaah⁻ juu¹ he⁻ gwa⁻ tuh⁻dsëy¹ hñiiy⁻. Kō⁻ja⁻ ma⁻na⁻hee⁻ ba⁻ dsa⁻ he⁻ llo⁻joo¹. Mo⁻so⁻ cha⁻ jee⁻ mo⁻ läay⁻.

⁴ Lä⁻ja⁻ lä⁻jëe⁻ ángele hi⁻ ga⁻jmee⁻ he⁻ hliih¹, sa⁻ ga⁻lä⁻jøh⁻ dsë¹ Dio kyaayh⁻, ga⁻jwäay¹ cha⁻je⁻, ga⁻hñuu⁻yh⁻ jee⁻ na⁻hoo⁻ jee⁻ sa⁻ jnä⁻ sa⁻ nuuh⁻. Jee⁻ ja⁻ täayh⁻ lä⁻jiih¹ dsëe¹ jmi⁻ he⁻ llay¹ ta⁻ kiyh¹. ⁵ Hi⁻ lä⁻ja⁻ kih¹ dsa⁻ jmi⁻gyuu⁻ hi⁻ ma⁻ cha⁻ llo⁻joo¹, sa⁻ ga⁻koo⁻y¹ dsëy¹ kiyh¹, ga⁻jngëeyh¹ hi⁻ hña⁻ dsë¹ he⁻ kyaah⁻ jmi⁻. Jii⁻ ja⁻ ga⁻lä⁻ ma⁻la⁻ Noé ba⁻ kyaah⁻ gyee¹ hi⁻ ma⁻ cha⁻ kiyh¹. Hi⁻ he⁻ ga⁻kwa⁻ juu¹ ha⁻ lä⁻ dsa⁻taah⁻ dsa⁻ kyaah⁻ he⁻ llu¹ jmah¹. ⁶ Hi⁻ lä⁻ja⁻ ga⁻hee¹ Dio jwi⁻ Sodoma kyaah⁻ Gomorra, ga⁻jëey¹ lä⁻jiih¹ ga⁻lii¹ tu⁻jwa⁻. Lä⁻ja⁻ ga⁻la⁻ mah¹ lä⁻ñe⁻ dsa⁻ hi⁻

chaā na' hā lä' le' kih' hī sa' gah' Dio. ⁷ Jaā Lot ba' ga'lääy', hī ma' laa' jaā dsā lluu'. Peer' ma' meeh' dsëy' ma' jëȳ hā lä' ma' tääh' dsā hlëeh' he' jmeey' lä'jê' he' la' o'hih'. ⁸ Hih' dsā ñuuh' lluu' he', lä'koō ma' gyay' koō jmī, koō jmī kyaah' dsā hlëeh' he', ma' jii' lä' ga'të' neh' tuh'dsëy', lä' ma' nuuy' hi' ma' jëȳ he' ma' jmee' dsā he' wa' la' cha' la'. ⁹ He'jā ma'ñe' ba' jne', Dio lih' lää' lä'jêë' hī hnaayh' ma' jëȳ wī, hi' hī hñā dsë' he', lä' ma'tääh' ja'ba', lä'jiih' lloo' jmī lla' Dio ta' kiyh' mah' heeyh' wī.

¹⁰ Hi' cha'ga'mīh' wī chee' Dio kih' hī ga'nää' lä' hnøø' jmīngo' kih', hī ga'nää' hnooh' he' ga'jyoh' he' hee' dsëy', sa' hnøøy' jmeey' lä'koō la' mada' kih' Dio, ni' mīh' sa' goyh', jmäy' hñiiy' jøøh', hi' sa' goyh' hlëeyh' wī kih' hī kaah' hī tääh' gyuuh'. ¹¹ Lä'jêë' ángele hī tääh' gyuuh', bee' ga' lä'koh' ga'jmīlle' hlëeh' he', pero ni' lä'jā sa' tuu' dsëy' jwäy' dso'jwī' né kih' hī hlëeh' he' cha'né Dio.

¹² Pero dsā hñā dsë' he', hlëeyh' wī kih' lä'jê' he' sa' ngëy', jmeey' lä'koō jah' nuu' hī ma'na'jäã' jngëeh' dsā. Lä'jā le' kih' dsā he', lä'koō jah' ba' heey' go'te'. ¹³ Jee' jā hyoyh' jñey' lä'koō te' ta' hliih' he' ma' jmeey'. Chaay' lluu' jwërte laay', jmeey' lä'jê' he' tih' dsëy' hñiiy'. Peer' hlëeh' dsā he', dsa'taayh' lä'kye' jee' jmeeh' hnäh' jmī, kuyh' kojøh' kyaah' hnäh', hnooh' gyih' ma'la' he' hee' dsëy'.

¹⁴ Sa' le' jëy' jaā dsāmë', ma'ra' he' hee' ba' dsëy'. Sa' dsālä'dsëh' dsëy' jmeey' he' hliih'. Mi'gaay' dsa'kyaah' hnäh' hī sa' cha' be' kih'. Peer' hñuuy' hā lä' jee' liyh' lä'jê' he' hee' dsëy', jëh' ma'häy' kyaah' dso'jwī'. ¹⁵ Ma'jmeey' ta' koo' kih' jwë' lluu', ma'kayh' jwë'. Ga'näy' jmeey' lä'koō ga'jmeey' Balaam, joo' Beor hī ga'hnooh' hā lä' ma'lä'chay' kuu' kyaah' he' hliih' he' ma' jmeey'. ¹⁶ Pero burra hī ma' dsëe' Balaam he' ga'hlëeh' lä'koō jaā dsā. Ga'juuyh' kiyh', kih' he' ma' jmeey' hu' dsë' hliih' ja', mah' sa' ma' dsooy' ta' cha'né kyaah' hu' dsë' ngaah' kiyh'.

¹⁷ Lä'jêë' dsā hñā dsë' he', laa' lä'koō jmītoo' he' sa' haa' jmī, hi' laay' lä'koō jnī' he' go'kye' lle' wa' ha' cha' ha'. Ma'na'heey' go'te'. Ma'la' juu' dsa'näy' jee' na'hoo' läh' lä'jê' joh' jmī cha'.

¹⁸ Hlëeyh' juu' kaah' jmah' he' sa' tøøhn' ta', hi' kyaah' lä'jê' he' ngii' jmīngo' ja', mi'gaay' øøh' jne' hī hmëe' ma'laa' kih' he' hliih'. ¹⁹ Hī he' jäh' lä'la': "Ma'na'laa' ba' jne'. He'jā cha' jwë' jnän' jmeen' lä'jê' he' lla' dsë' jne'." Pero ni' sa' ñey' he' sa' na'laay'. Na'hñëy' jmeey' he' hliih' jmah' ba'. Jëh', cher'mah' ga'tah' dsā kyaah' wa' he' cha' he' he' jøø' kiyh', ma'laay' kyaa' he' ja'. ²⁰ Cher'mah' ga'laa' jaā dsā kih' he' hliih' he' cha' jmīgyuuh' la', ta'la' kih' he' ga'lä'kyuuy' Dsa'jøøh' jnän' hī lää' jne', hi' cher'mah' ga'jëȳh' ka'läh' ta' ka'luuy', hi' ga'lih' he' hliih' ja' kiyh', cha'ga'mīh' lä'hlëeyh', lä'koō ma' laay' jäã'. ²¹ Llu' ga' la' kih' dsā he' wa'ra' jäh' kih' sa' ga'lä'kyuuyh' go'te' jwë' lluu'. Jwīy, kih' he' ga'lä'kyuuyh' ba' mah' ga'jmeey' ta' koo' mada' he'

na_jngii' he_ ga^hyoyh' kih' Dio. ²² He_ lä^ja_, jeeh' kwee_ lä^koo_ dsoo~ juu' he_ hlëeh^ dsa_: "Sa'dsii_ hi_ nu~, koo_ ka_läh' kuyh_ tu_nu_ kiyh'", hi_ "cha_ñe' hi_ ma_na_jngëe', koo_ ka_läh' looyh~ jmii_ jii'."

Lloo~ koo_ jmii' jäh' Jesús ka_läh'

3 ¹ Peer^ hnaan^ hnäh' øøhn', jee' la_ ma_të' to' mo_je_ he_ siin^ kyah' hnäh'. Lä^to' na_ hlëeh' koo_ ba' juu', hlëehñ' hnäh' mah' kah' hnäh' koo_ nëe' ba' huudse_. ² Hnoon' lä^dsooh~ hoh' hnäh' kih' lä^jë^ he_ ga^sii' hi_ na_jngëe' hi_ ma' ngëe~ juu' kih' Dio llo'joo'. Hi_ hnoon' lä^dsooh~ hoh' hnäh' mada' kih' Dsa_jøøh' jnän` hi_ lää_ jne'. Jëeh' jnääh' hi_ laa' apóstole, kwa_ jnääh' juu' kiyh' jee' kyah' hnäh'.

³ Wa' lä^dsoo' hoh' hnäh' to_në' he_ jwahn^ la_. Wa'ra_ ga_të' jee' llaa^ jmii', ya_nää' dsa_ hi_ mi_kwah' kih' lä^jë^ ba', hi_ joh' he_ hliih' sa^ jmeey' lä^koo_ ngii' jmi_ngo' kiyh'. ⁴ Jäyh^ lä^la_: "¿He_la' sa^ ma_jah^ Cristo lä^koo_ ga^bäayh_ hñiiy' ma' jäyh'? Lä_jiih' jmii' ga_juu' dsa_ ma_gyuh_ jnän`, lä^ ma_ngoo' ja_ba' hii' tii' jmi_gyuu^ lä^jiih' na'. Sa^ cha_ he_ ma_na_sii' lä^jiih' ma' ga_nøø' jmi_gyuu^", jäh' dsa_ he'. ⁵ Sa^ hnøøy' nuuy' ha_ lä^ ga_nøø' jmi_gyuu^ . Jëeh', kyaah' koo_ ga_hlëeh' ba' Dio, ga_la' gyuuh' hwa' lä^ ma' to_në'. Hwa' ya_hii' neh^ jmii^, hi^ jmii_ ja_ ga_nøø' lä^ku' lä^jii' kih'. ⁶ Ja_ba' kyaah' jmii_ ja_, ga_hee' Dio jmi_gyuu^ he_ ma' nøø' jää', lä^koo_ ma' chaa_ Noé. ⁷ Hi^ kyaah' he_ ga_hlëeh' Dio, ma_na_la' juu' koo^ kyaah' je_ gyuuh' hwa' he_ jnä' na'. Koo_ jøøy~ ba' ha_ lä^ lloo~ jmii' jmeey' jwiz~ mah' mi_llaa_y^ lä^jëe^ hi_ hñaa_ dsë', ja_ga_ heey' lä^jë^ go_te_.

⁸ Pero hnäh' hi_ hnaan^, ta^ wa' gaa' hoh' hnäh' he_ la_. Koo_ jmii' jnä` jne', kih' Dio la' koo_ mil_ji_në_. Hi^ koo_ mil_ji_në_, la' kih' Dio lä^koo_ koo_ jmii' ba'. ⁹ Ja^ he_ dsa_lä_hëe' Dio mi_tey' he_ ga^bäayh_ hñiiy' jmeey', lä^koo_ laa' ko_llaa' dsa_. He_ jøh_ dsëy' kyaah' jne' ba' ja_, sa^ hnøøy' hee' ni^ jaa_, he_ hnøøy' lä^dsaa_ dsë' lä^jëe^ ba' mah' ya_nääy' ka_läh' kih' Dio.

¹⁰ Wa'ra_ ga^dsëe' jmii' kih' Dsa_jøøh' jnän`, koo_ jmii' he_ sa^ jøø_ dsa_ ba' jäyh', lä^koo_ jmee^ jaa_ dsa_hii_. Jmii' ja_, hii_ goo_ ääh' go_te_ gyuuh' jmi_gyuu^, koo^ kyaah' je_. Lä^ja_ koo^ hwa' la_ kyaah' lä^jë^ he_ cha_ në' kih'.

¹¹ Kih' he_ ma_në' jne' he_ hee' lä^jë^ go_te' he_ cha_ gyuuh' hwa', he_ja_ jmee^ bii' dsa'toohn' na_jngëe' jne' jee' hnäähñ^ Dio. ¹² Hnøø' dsa'toohn' kyaah' o_jøh^ dsë_ lä^jiih' lloo~ jmii' ja_. Wa' kwan' be' hñaa^ ta' jnän` mah' wa' lä^te' ga_juh_. Jmii' ja_ hee' gyuuh' jmi_gyuu^, koo^ kyaah' je_. Hi^ lä^jë^ go_te_ he_ ga' cha_ joo' kyaah' je_. ¹³ Pero jne' tøøhn' jøøn' koo_ gyuuh' hwa' he_ hmëe' he_ ga^bääh_ Dio hñii' kwa'. Jee' ja_ lä^cha_ he_ llu' jmah' ba'.

¹⁴ He_ja_ jwahn^ øøhn' hi_ hnaan^, ta'ko_jiih' tøøh' jne' jøøn' he_ lä^te' he_ ja_, wa' kwan' be' mah' jee_y^ jne' tøøhn' na_jngëen' hi^ ni^ miih_ sa^

chā hē nā bääh` jne' hi' hii' tií jnän` wa'rā ga'të' jee' jäh'. ¹⁵ Hnøø¹ täh' dsë̄ jne' kih' juu' lā. Cher'mah' sa' jäh' chah', hē hnøøy' lääy' lä'jēē' ba' jā. Kih' he'jā ba' nā, hē jøh' dsë' Dio kyaah' jne'. Jā ba' lä'jā ga'sii' øøh' jne' Paa' hī hnää' jne' lä'koō la' huudsë̄ hē ga'hyoyh' kih' Dio. ¹⁶ Lä'jē' mo'jē kiyh' hē ga'siiy', hlëeyh' jā ba' lä'koō hlëeh' jnä' kih' hē lā. Hi' jee' llah' nā sī jwëeh' hē sa' lä'ngëë' jne'. He'jā kōllaa' dsā hī sa' ngëë' hī sa' la' koō ba' huudsë̄ kih', mī siiy' juu' hē ga'sii' Paa'. Hi' lä'jā mī siiy' ka'läh' ta' jee' jyoh' jee' nā sī juu' kih' Dio, lä'jwë' jā heey' hñiiy' go'tē.

¹⁷ Hnäh' øøhn' hī hnaan', ma'ngëë' ma'nueh' ba' hnäh' juu' lā, he'jā hää' hnäh' hñaa'h' kih' hī ta'juu' he' mah' sa' kah' hnäh' jyoh' jwë' hi' lä'jā sa' täh' hnäh', na' hē ma'tääh' hnäh' koō hweh'. ¹⁸ Wa' lä'kyuuh' hnäh' cha'ga'mīh' Jesucristo Dsa'jøøh' jnän` hī lää' jne'. Lä'jā go'nää' ba' hnäh' ta' cha'në' kyaah' hē llu' hē la' kwa' Jesús. Lä'jā wa' jmeen' juuh' kiyh' jmī na' hi' lä'jā ka'läh' lä'jē' joh' jmī chā. Wa' la' lä'jā.